



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Oratio.

urn:nbn:de:hbz:466:1-20020

ORATIO.

Omnipotens & misericors Deus, qui sapientia tua laudem praeconia & devotas gratiarum referimus actiones quod antiqua innovando miracula gloriosem tribus vicituram de perfidis gentibus populo Christiano, te suppliciter exorantes ut quod mirabiliter incepisti, misericorditer profugare ad laudem & gloriam nominis tui sancti, quod super nos famulos tuos fideliter invocatur. Per Dominum nostrum &c.

ILLVSTRI REGI CASTELLÆ.

Protector in se sperantium Deus, sine quo nihil est validum, nihil firmum, multiplicans misericordiam suam super te ac populum Christianum, & effundens iram suam in gentes que Dominum non noverunt & in regna quæ non invocavérunt sanctissimum nomen ejus, juxta quod dudum fuerat spiritu sancto prædictum, irrisit gentes que temere tremuerunt contra eum, & subsannavit populos inania meditatos, humiliando arrogantiam fortium, & infidelium superbiam quiescere faciendo; qui sperantes in equis, quia multi sunt, & equitibus, quia prævalidi nimis, super sanctum Israël non fuere confisi, & Dominum exquirere contemplerunt; quinimum Deo vivo & vero ausi sunt exprobare, exaltantes contra eum tumidè vocem suam & suorum levantes altitudinem oculorum. Benedictus autem Deus, qui posuit in eorum naribus circulum & in labiis suis frangim, dans eis secundum opera eorumdem, & ipsis retribuens secundum suorum requitiam studiorum; ut cognoscat Mosk quoniam major est ejus indignatio & superbia quam fortitudo & virtus, & sperant in Domino cuncti qui diligunt nomen ejus, videntes quod in sua sperantes misericordia non relinquit, sed propè est omnibus ipsum in veritate vocantibus, dans lapis fortitudinem, & robur multiplicans; ut jam non dubitent verum esse quod legitor, quoniam qui sperant in Domino habebunt fortitudinem, current & non laborabunt, ambulabunt & non deficient: quia Dominus virtutem populo suo dabit. Nos autem per tua serenitatis literas plenis intellecto qualiter is qui docet manus suorum ad prælium & digitos eorum ad bellum, instauratis veteris testamenti miraculis, in tanto & tam horribili prælio salvum fecit populum humilem, & humiliavit oculos superborum, exultavimus Domino adjutori nostro, & ei quantum sua donavit gratia jubilantes, gavisi fuimus gaudio magno valde

Roder. Tolet.
ibid. c. 12.

Dominus illorum infinitam multitudinem crucis suæ gladio trucidavit; & sic Rex Saracenorum cum paucis in fugam conversus fuit. Sui autem imperii nostros interim sustinebant, sed statim post maximam stragam suorum reliqui in fugam conversi sunt. Nos autem inequentes eos usque ad noctem, plures tamen insequendo interfecimus quam in bello; & sic bellum Domini à solo Domino & per solum Dominum est feliciter consummatum. Deo autem honor & gloria, qui crucis suæ dedit victoriam per Iesum Christum Dominum nostrum. Fuerunt autem milites Saraceni, ut postea vera relatione dicidimus à quibusdam domesticis Regis Saracenorum, quos captivos cepimus, clxxxv. milia, peditum vero non erat numerus. Occupaverunt autem in bello ex parte sua centum milia armatorum & amplius secundum estimationem Saracenorum quos postea cepimus. De exercitu autem Domini, quod non sine gratiarum actione recitandum est, & quod incredibile est, nisi quia miraculum est, vix viginti quinque Christiani aut triginta de toto nostro exercitu occupuerunt. O quanta letitia! O quot gratiarum actiones! nisi de hoc dolendum sit quod tam pauci martyres de tanto exercitu ad Christum martyrio pervenerunt. Ut autem magna eorum multitudine credatur, cum exercitus noster in castris eorum post bellum per biduum fecerit morā, ad omnia incendia quæ necessaria erant in coquendis cibis & pane & aliis non composuerunt aliqua ligna nisi desagittis & lanceis eorum quæ remanerant, & vix potuerunt comburere medietatem. Cumque dicti exercitus propter longam moram factam in locis heremis & incultis deficeret in viualibus & aliis, ibidem tantam invenerunt tam ciborum quam armorum necnon etiam dextrariorum & aliorum jumentorum copiam quod accipientes ad suam ususque de iis omnibus voluntatem, plus ibi dimiserunt ex magna abundantia quam ceperunt. Tertio autem die procedentes venimus ad quedam castra eorum, scilicet Bilche, Baños, Tolosa, quæ incontinenti cepimus. Tandem pervenimus ad duas civitates, quarum altera dicitur Biacia, altera Vbeda; quibus non erant majores citra mate præter Cordubam & Hispalim; quarum alteram, scilicet Biaciem, destruetam invenimus; ad alteram vero, scilicet Vbedam, quia situ loci & artificio fortissima erat, conseruat multitudine hominum infinita ex omnibus villis adjacentibus. Cum enim villa illa nunquam ab Imperatore vel ab aliquo Regum Hispanie expugnata sciretur vel subjugata, in eadem posse salvari sua corpora se credebat. Sed et hanc in brevi divina gratia faciente cepimus & funditus destruximus, quia non possemus habere tantam multitudinem gentium quæ ad illas populandas sufficeret. & bene perierunt ibi sexaginta milia Saracenorum; quorum quosdam interfecimus, quosdam captivos duximus ad servitium Christianorum & monasteriorum quæ sunt in marchia reparanda. Hæc igitur, sanctissime Pater, vobis scribenda decrevimus, pro auxilio toti Christianitati imperio gratias quas possimus exhibentes, & humiliter supplicantis ut vos, quem Dominus ad summi sacerdotij gradum elegit, ei cum sacrificio laudis pro salute populi immoletis vitulos laboriorum.